

# Li Hu li Quixtz'iba li San Pablo reheb laj Efeso

## *Laj Pablo quixtakla xsahil xch'oleb*

<sup>1</sup> Lain laj Pablo. Lain x-apóstol li Jesucristo xban nak jo'can quiraj li Dios. Yoquin chixtz'ibánquil li hu a'in eriq'uin laex laj pabanel li cuanquex Efeso. Yoquin chi tz'ibac eriq'uin chejunilex laex li nequeq'ue ech'ol chixpabanquil li Jesucristo. <sup>2</sup> Chicuank taxak eriq'uin li ruxtan ut li tuktuquil usilal li naxq'ue li Dios li kaYucua' ut li naxq'ue li Kacula' Jesucristo.

## *Li Cristo na-osobtesin ke*

<sup>3</sup> Lok'oninbil taxak li Dios lix Yucua' li Kacula' Jesucristo. Xban nak junajo chic riq'uin li Cristo, li Dios naxq'ue chak ke chixjunil li kosobtesinquil li nachal chak sa' choxa. <sup>4</sup> Nak toj maji' naxyib chak li ruchich'och' li Dios, ac sic'bil chak ku xban sa' xc'aba' li Jesucristo, re nak ticak li kayu'am ut mac'a'ak chic kamac. <sup>5</sup> Xban nak nocoxra, jo'can nak quixsic' chak ku re nak laako chic li ralal xc'ajol sa' xc'aba' li Jesucristo. Quixbanu chi jo'can xban nak jo'can quiraj. <sup>6</sup> Jo'can nak chikalok'onihak ru li Dios xban nak yal chi maṭan quiruxtana ku nak quixtakla chak li Ralal li k'axal raro xban. <sup>7</sup> K'axal numtajenak li rusilal li Dios li quixq'ue ke xban nak riq'uin xcamic li Jesucristo, cuan kacolbal ut cuybil sachbil chic li kamac. <sup>8</sup> Li rusilal quixq'ue ke chi numtajenak xq'uial ut quixq'ue kana'leb re nak takatau ru li xyalal. <sup>9</sup> Ut

quixc'utbesi chiku li na'leb li mukmu nak quicuan chak junxil, a' li qui-ala sa' xch'ol xbənunquil nak quixtakla chak li Jesucristo. <sup>10</sup> Təcuulak xk'ehil nak tətz'aklok ru chixjunil jo' naraj li Dios. Tixjunnaji chixjunil li c'a'ru cuan jo' sa' choxa jo' sa' ruchich'och'. Ut a' chic li Cristo tajolomink re chixjunil. <sup>11</sup> Ləo aj judío sic'bil ku xban li Dios chok' ralal xc'ajol sa' xc'aba' li Cristo. A'in quiuxman xban nak jo'can quiraj li Dios ut xban nak a'an yal re sa' xbən chixjunil. <sup>12</sup> Quixbənu chi jo'can re nak lok'oninbilak ru kaban ləo li co-oybenin re li Cristo nak toj maji' nac'ulun sa' ruchich'och'. <sup>13</sup> Ut jo'can ajcui' ləex li macua'ex aj judío. Nak xerabi li xyālal li colba-ib, ləex xepəb li Cristo ut xec'ul li Santil Musik'ej, li quiyechi'ic ere chok' retalil nak ləex chic li ralal xc'ajol. <sup>14</sup> Li Santil Musik'ej quiq'uehe' ke chok' retalil nak takac'ul chixjunil li yechi'inbil ke xban li Dios ut tətz'aklok ru li kacolbal. Jo'can nak lok'oninbilak ru riq'uin lix nimal xcuanquinal.

### *Laj Pablo natijoc chirixeb laj pabanel*

<sup>15</sup> Lain xcuabi resil nak chi anchal ečh'ol nequepəb li Kəcua' Jesucristo ut xcuabi resil nak nequera le rech aj pabanelil. <sup>16</sup> Jo'can nak junelic ninbantioxin chiru li Dios ut yoquin chi tijoc cherix. <sup>17</sup> Nintijoc chiru li nimajcual Dios, lix yucua' li Kəcua' Jesucristo, ut nintz'ama chiru nak tixq'ue ena'leb re nak tətau ru chi tz'akal lix na'leb li Dios ut re nak tətau ru li xyālal chi us. <sup>18</sup> Nintz'ama chiru li Dios nak tixq'ue ena'leb re nak tətau ru c'a'ru le lok'laj maṭan li yoquex chiroybeninquil xban nak sic'bil eru xban li

Dios. Tec'ul le m̄atan ̄erochbeneb chixjunileb laj p̄abanel. <sup>19</sup> Ut nintz'ama ajcui' chiru li Dios nak tixq'ue ena'leb re nak tenau nak k'axal nim lix cuanquil sa' kab̄en l̄ao li nocop̄aban re. <sup>20</sup> Ut a'an ajcui' lix nimal xcuانquil li quicuaclesin re li Cristo chi yo'yo sa' xyānkeb li camenak ut quixc'ojob sa' xnim uk' li Dios aran sa' li santil choxa ut quixq'ue xcuانquil. <sup>21</sup> K'axal nim xcuانquil li Cristo sa' xb̄eneb chixjunileb li ángel ut li m̄aus aj musik'ej ut sa' xb̄eneb li cuanqueb xcuانquil chi taklanc sa' choxa jo' sa' ruchich'och'. K'axal nim sa' xben chixjunil li c'a'ak re ru li cuanqueb xcuانquil anakcuan ut chi junelic k'e cutan. <sup>22</sup> Li Dios quixq'ue chixjunil rubel xcuانquil li Cristo ut quixq'ue li Cristo chi jolominc reheb laj p̄abanel ut a'an chic yal re sa' xb̄eneb. <sup>23</sup> Li Cristo a'an li najolomin ke l̄ao aj p̄abanel. Ut l̄ao chanchano li rok ruk' nak cuanco. Junak li tz'ejcualej moco tz'akal ta re ru cui m̄ac'a' lix jolom. Jo'can ajcui' junak li jolomej, cui m̄ac'a' li rok ruk' inc'a' tz'akal re ru. Jo'can nak tento nak li Cristo tajolomink ke l̄ao aj p̄abanel ut l̄ao cuanko jo' li rok ruk' li Cristo.

## 2

### *Colbilo xban xnimál ruxtán li Dios*

<sup>1</sup> Junxil l̄aex li m̄acua'ex áj judío chanchan camenakex xban li m̄ausilal ut li m̄ac li xeb̄anu chak. <sup>2</sup> Xeb̄anu chak li m̄ausilal sa' ruchich'och' ut xeq'ue ̄erib chi taklāc x̄ban laj tza li nataklan sa' xb̄eneb li m̄aus aj musik'ej. A'an li nataklan sa' xb̄eneb li neque'k'etoc r̄atín li Dios. <sup>3</sup> Jo'can ajcui' l̄ao aj judío. Junxil xkab̄anu chak li m̄ausilal li

naxrahi ru li kach'ol xbanunquil. Xkabānu li inc'a' us li xkaj xbanunquil kajunes. Jo'can nak tento raj takac'ul xtojbal li kamāc jo' eb chixjunileb li inc'a' neque'raj pābānc. <sup>4</sup> Abanan k'axal nim li ruxtān li Dios sa' kabēn xban nak k'axal nocoxra. <sup>5</sup> Nak toj camenako chak sa' li kamāc, riq'uin lix cuaclijic cui'chic chi yo'yo li Cristo, li Ðios quixq'ue ke jun ac' yu'am. Yal xban rusilal li Dios nak colbilo. <sup>6</sup> Li Dios corisi chak sa' li najter yu'am nak quixcuaclesi chi yo'yo li Jesucristo ut coxq'ue chi tz'akonc sa' lix nimal xlok'al sa' li santil choxa xban nak reho chic li Cristo. <sup>7</sup> Chixjunil li usilal a'in quilajxbānu ke sa' xc'aba' li Jesucristo re nak tāc'utunk chi junelic k'e cutan nak k'axal nim li ruxtān. <sup>8</sup> Yal nak xepāb li Jesucristo ut colbilex chic. Abanan yal xban rusilal li Dios nak colbilex. Mācua' xban eyehom ebanuhom. Yal emātan ban xban li Dios. <sup>9</sup> Mā ani chixnimobresi rib xban nak mācua' xban eyehom ebanuhom nak colbilex. <sup>10</sup> Li Dios coxyo'obtesi ut quixq'ue ke li ac' yu'am sa' xc'aba' li Jesucristo re nak chābilak li kayu'am xban nak ac jo'can c'ubanbil chak xban li Dios junxil re nak chābilak li kayehom kabānuhom.

### *Junaj chic ku ləo sa' xc'aba' li Cristo*

<sup>11</sup> Chijulticok' ere chanru nak quexcuan chak junxil. Læx li mācua'ex aj judío tz'ekṭānanbilex xbaneb laj judío li que'xc'ul li circuncisión, ut eb a'an que'xye nak inc'a' tz'akal ere eru xban nak inc'a' quec'ul li circuncisión. <sup>12</sup> Junxil moco cuan ta li Cristo eriq'uin ut mācua'ex xcomoneb laj Israel. Inc'a' querabi resil li contrato li quiyehoc resil lix c'ulunic laj Colonel. Cuanquex arin sa'

ruchich'och' chi māc'a' c'a'ru yoquex chiroyben-inquil ut chi māc'a' li Dios eriq'uin. <sup>13</sup> Junxil li Dios māc'a' eriq'uin. Abanan anakcuán rehex chic xban nak li Cristo quicam chiru li cruz sa' ec'aba'. <sup>14</sup> Li Cristo, a'an li naq'uehoc ke li tuktuquil usilal. Xban li Cristo junaj chic ku lāo aj judío eriq'uin lāex li mācua'ex aj judío. Xban nak quixmayeja rib sa' kac'aba', li Cristo quirisi li kajosk'il li naramoc re chiku li cuānc sa' xyālal chi kibil kib. <sup>15</sup> Xban nak quixk'axtesi rib chi cāmc, li Cristo quirisi xcuanquil li najter chak'rāb. Quixbānu a'an re nak tixjunajihēb ru laj judío riq'uin li mācua'eb aj judío ut junajakeb chic riq'uin li Cristo ut cuānkeb chic sa' xyālal chi ribileb rib. <sup>16</sup> Riq'uin lix camic chiru li cruz li Cristo quirisi lix josk'inquil kib chi kibil kib ut coxc'am cui'chic sa' usilal riq'uin li Dios ut junaj chic ku. <sup>17</sup> Nak quic'ulun li Cristo sa' ruchich'och' quixch'olob xyālal li colba-ib li naq'uehoc tuktuquil usilal. Quixch'olob xyālal chiku lāo aj judío li ac nakanau xyālal. Ut quixch'olob ajcui' xyālal cheru lāex li mācua'ex aj judío li toj māji' nequenau xyālal. <sup>18</sup> Anakcuán chikajunilo, usta lāo aj judío usta mācua'o aj judío, naru nococuan chi sum ətin riq'uin li Yucua'bej Dios sa' xc'aba' li Cristo. Ut li junaj chi Santil Musik'ej natenk'an ke. <sup>19</sup> Ut moco jalanex ta chic anakcuán riq'uineb laj judío. Lāex ban chic xcomoneb. Junaj chic eru riq'uineb. Lāex chic ralal xc'ajol li Dios. <sup>20</sup> Lāo aj pabanel chanchano li rochoch li Dios. Chanchano li pec li na-oc sa' xben li cimiento. Ut li cimiento, a'aneb li apóstol ut li profeta. Abanan li tz'akal xakxo cui' li cab,

a'an li Jesucristo. <sup>21</sup> Lao aj pabanel chanchano li rochoch li Dios. Junajo chic sa' xc'aba' li Jesucristo li tz'akal xakxo sa' kaben re nak tz'akalak ke ku ut k'axtesinbilo chiru li Dios. <sup>22</sup> Jo'can ajcui' laex. Xban nak rehex chic li Cristo, junajex chic riq'uineb laj pabanel. Ut laex ajcui' li rochoch li Dios xban nak li Santil Musik'ej cuan eriq'uin.

### 3

*Laj Pablo bokbil xban li Dios chi c'anjelac sa' xyankeb li macua'eb aj judío*

<sup>1</sup> Lain laj Pablo. Cuanquin chi prexil xban nak ninc'anjelac chiru li Cristo, ut xban nak ninye resil li colba-ib ere laex li macua'ex aj judío. <sup>2</sup> Ac xerabi ta na resil nak tenebanbil sa' inben xban li Dios xyebal ere nak li ruxtan li Dios ere ajcui' laex li macua'ex aj judío. <sup>3</sup> Li Dios, a'an quic'utuc re chicuu li na'leb a'an, li mukmu nak quicuan chak junxil. Ac xintz'iba ca'ch'in resil ere chirix li na'leb a'in. <sup>4</sup> Nak teril xsa' li hu li xintz'iba eriq'uin, tenau nak ninnau chi tz'akal li xyalal chirix li Cristo, li mukmu nak quicuan. <sup>5</sup> Junxil ma' ani nata'oc ru lix yalal li mukmu nak quicuan chak. Abanan anakcuan li Santil Musik'ej quixc'ut li xyalal chiruheb li profeta ut chiku ajcui' lao lix apóstol. <sup>6</sup> Li xyalal li na'leb li mukmu nak quicuan chak junxil, a'an a'in: nak laex li macua'ex aj judío, textz'akonk li colba-ib li naxq'ue li Dios kochben lao aj judío. Laex ralal xc'ajolex ajcui' li Dios ut textz'akonk ajcui' riq'uin li yechi'nbil ke xban li Dios xban nak colbilex chic sa' xc'aba' li Cristo. <sup>7</sup> Yal rusilal li Dios nak quixq'ue sa' inben xyebal resil li colba-ib ut quixq'ue incuanquil re tinbanu

lix c'anjel. <sup>8</sup> Lain li k'axal cubenak incuanquil sa' xyānkeb chixjunileb li ralal xc'ajol li Dios. Abanan yal xban lix nimal ruxtan li Dios quixq'ue cue li c'anjel a'in re xch'olobanquil cheru lix yatal chirix lix nimal ruxtan li Cristo ut li lok'laj colbaib sa' xc'aba' a'an. <sup>9</sup> Jo'can nak tento tinch'olob yalak bar li xyālal li na'leb li mukmu nak quicuan chak junxil. Chalen chak sa' xticladic chixjunil li na'leb a'in mukmu chak xban li Dios li quiyiban re chixjunil. <sup>10</sup> Li Dios quixbānu chi jo'ca'in re xc'utbal chiruheb li cuanqueb xcuanquil sa' choxa nak numtajenak xna'leb li Dios. Te'xnau nak numtajenak xna'leb nak te'xq'ue retal nak quixjunaji ruheb laj judío riq'uineb li mācua'eb aj judío chok' ralal xc'ajol. <sup>11</sup> Ac c'ubanbil chak junxil chi jo'ca'in xban li Dios nak li Kācua' Jesucristo tixjunajiheb ru li ralal xc'ajol. <sup>12</sup> Xban nak ac xkapab li Cristo, junajo chic riq'uin. Jo'can nak nakanau chi tz'akal nak naru chic tocuānk chi sum atin riq'uin li Dios. <sup>13</sup> Jo'can nak nintz'āma cheru nak inc'a' tāch'inānk ech'ol xban nak yoquin chixc'ulbal li raylal xban xyebal ere xyālal li colbaib. Chisahok' ban ech'ol xban nak re etenk'anquil xinc'ul li raylal.

### *C'ajo' nocoxra li Cristo*

<sup>14</sup> Nak ninc'oxlac chirix lix na'leb li Dios riq'uin chixjunil li quixbānu, nincuik'ib cuib ut ninbantioxin chiru li Acuabej Dios. <sup>15</sup> Li Acuabej Dios a'an xyucua'eb chixjunil li cuanqueb sa' choxa, jo' ajcui' sa' ruchich'och'. <sup>16</sup> K'axal nim li rusilal li Dios. Jo'can nak nintz'āma chiru nak li Santil Musik'ej chiq'uehok ecuanquinal ut xcacuinal ech'ol sa' le pābabal. <sup>17</sup> Ut nintz'āma ajcui' chiru

nak chicuank le pabal re nak cuank li Cristo eriq'uin chi tz'akal. Tetau taxak xcacuil le ch'ol riq'uin xrabal li Dios jo' eb ajcui' le ras eritz'in. <sup>18</sup> Nintz'ama chiru li Dios nak chetauhak taxak ru, jo' ajcui' chixjunileb laj pabanel, nak k'axal nim li karabal xban li Cristo. Numtajenak lix rahom li Cristo. Mac'a' xbisbal ut ma ani tata'ok ru lix lok'al lix rahom li Cristo. <sup>19</sup> Ma jok'e taruk takatau ru chi tz'akal lix rahom xban nak mac'a' roso'jic ut k'axal lok'. Nintz'ama chiru li Dios nak tixc'ut cheru nak c'ajo' nequexra li Cristo, ut chinujak taxak le ch'ol riq'uin xnimajcual xcuانquil. <sup>20</sup> Lok'oninbil taxak li Dios li k'axal nim xcuانquil chixbanunquil nabal chiru li nakatz'ama. Riq'uin xnimajcual nac'anjelac sa' li kam ut k'axal nim xcuانquil chixbanunquil nabal chiru li nakoybeni. <sup>21</sup> Lok'oninbil taxak li Dios anakcuan ut chi junelic k'e cutan kaban lao aj pabanel xban nak junajo chic riq'uin li Cristo. Jo'can taxak.

## 4

### *Sa' xc'aba' li Cristo junajo chic lao aj pabanel*

<sup>1</sup> Lain cuanquin chi prexil xban xyebal resil li Kacua' Jesucristo. Lain xintijoc cherix ut anakcuan nintz'ama cheru nak chabilak le yu'am jo' xc'ulubeb li ralal xc'ajol li Dios. <sup>2</sup> Checubsihak erib ut checxuank sa' tulanil ut chabilakex. Checuyak erib chi ribil erib ut cherahak erib chiribil erib. <sup>3</sup> Junajak chic eru xban li Santil Musik'ej. Jo'can nak q'uehomak ech'ol chi cuanc sa' usilal chi ribil erib re nak checxuank chi junaj eru. <sup>4</sup> Lao li ralal xc'ajol li Dios chanchan nak jun

chi tz'ejcualej nak cuanco ut jun ajcui' li Santil Musik'ej naberresin ke. Jun ajcui' li kamatan li nakayo'oni sa' comonil, ləo li sic'bil ku. <sup>5</sup> Jun ajcui' li Kacua' cuan ut jun ajcui' li kapabal cuan ut jun ajcui' li cubi ha' nakac'ul sa' xc'aba' li Cristo. <sup>6</sup> Jun ajcui' li Dios cuan ut a'an li kaYucua' chikajunilo. A'an li cuan sa' kabən chikajunilo. A'an li nac'anjelac sa' li kəm chikajunilo ut a'an ajcui' li cuan kiq'uin chikajunilo. <sup>7</sup> Abanan jalan jalənk li kalok'laj mətan li naq'uehe' ke chikajunkal xban li Cristo, a' yal chanru naraj a'an. <sup>8</sup> A'in qui-uxman jo' tz'ibambil sa' li Santil Hu, li naxye chi jo'ca'in:

Nak quitake' sa' choxa li Kacua', quixc'utbesi nak a'an k'axal nim xcuanguard sa' xben laj tza jo' ajcui' sa' xbeneb li neque'c'anjelac chiru. Ut li Kacua' quixq'ue xmətaneb li ralal xc'ajol. (Sal. 68:18)

<sup>9</sup> ¿C'a'ru xyalal nak naxye nak li Kacua' quitake' sa' choxa? Naraj naxye nak xben cua quicube tak'a sa' li ruchich'och'. <sup>10</sup> Quicube sa' ruchich'och' ut quitake' ajcui' toj sa' li Santil Choxa re nak təcuənk xcuanguard sa' xben chixjunil sa' choxa jo' ajcui' sa' ruchich'och'. <sup>11</sup> ¿C'a'ru xyalal nak tz'ibambil nak quixq'ue xmətaneb li ralal xc'ajol li Dios? Naraj naxye nak cuan li quiq'uehe' xmətaneb chi c'anjelac jo' apóstol. Cuan li quiq'uehe' xmətaneb chi c'anjelac jo' profeta. Cuan li quiq'uehe' xmətaneb chixyebal resil li colba-ib. Cuan li quiq'uehe' xmətaneb chi c'amoc be chiruheb laj pəbanel ut cuan ajcui' li quiq'uehe' xmətaneb chixc'utbal lix yalal chiruheb laj pəbanel. <sup>12</sup> Quiq'uehe' xmətaneb

re nak tz'akalakeb ru sa' xpabaleb ut re nak te'c'anjelak chiru li Dios ut re nak te'xtenk'aheb laj pabanel chi q'uic sa' xpabaleb. <sup>13</sup> Q'uebil ke li kamatan re nak takatenk'aheb laj pabanel chi cacuuc sa' lix pabaleb toj tacuulak xk'ehil nak tatz'aklok ke ku riq'uin lix cuanquil li Cristo ut junajak chic ku xban nak nakapab li Ralal li Dios. Tz'akalak ke ku jo' li Cristo tz'akal re ru. <sup>14</sup> Moco jo'cakex ta chic li coc'al. Li coc'al neque'xpab li c'a'ak re ru neque'yehe' re. Laex macua'ex chic coc'al. Jo'can nak meq'ue erib chi balak'ic xbaneb li neque'balak'in riq'uin jalani tijleb. <sup>15</sup> Ut chixjunil li nakabantu, chikabantu xban nak nocorahoc. Ut junajak chic ku riq'uin li Cristo. <sup>16</sup> Li Cristo, a'an najolomin ke lao aj pabanel ut lao jo' li rok ruk'. Li Cristo, a'an nac'amoc be chiku ut junajo chic. Chikajunilo chikatenk'a kib chi kibil kib re nak toq'ujk sa' li kapabal xban nak nakara kib chi kibil kib. <sup>17</sup> A'an a'in li tento tinye ere. Sa' xc'aba' li Kacua' ninye ere nak mebanu chic jo' neque'xbantu li inc'a' neque'paban. Eb a'an neque'xq'ue xch'ol chirix li mac'a' na-oc cui'. <sup>18</sup> Inc'a' neque'xtau xyalal. Mac'a' riq'uineb li junelic yu'am li naxq'ue li Dios xban nak inc'a' neque'raj xnaubal li xyalal ut k'axal cauheb xch'ol. <sup>19</sup> Inc'a' neque'xnau xutancut ut neque'xq'ue rib chixbanunquil li mausilal. Neque'xbantu chixjunil li jo' majo'il aj na'leb. <sup>20</sup> Abanan laex aj pabanel macua' li na'leb a'an li xetzol riq'uin li Cristo. <sup>21</sup> Laex xerabi li quixye li Cristo ut xetzol li xyalal li quixc'ut cheru. <sup>22</sup> Jo'can nak chetz'ektana chi junaj cua le najter na'leb. Meq'ue chic erib chi balak'ic

xban li mäusilal li quixrahi ru le ch'ol junxil.  
<sup>23</sup> Ut ac'obresinbilak taxak le räm ut le c'a'ux.  
<sup>24</sup> Ac'obresinbilak le yu'am ut checxuãnk taxak jo' naraj li Dios. Santakex ut chabilakex xban nak nequenau chic li xyalal. <sup>25</sup> Inc'a' chic chextic'ti'ik. Sa' xyalal ban tex-ätinak chi ribil ərib xban nak junaj chic ku ut kacha'al chic kib chi kibil kib.  
<sup>26</sup> Cuan nak nequexjosk'o'. Abanan menumusi li cutan chi toj cuan le josk'il sa' le ch'ol re nak inc'a' texmäacobk xban. <sup>27</sup> Moco yal xban ta le josk'il nak teq'ue ərib chi alec xban laj tza. <sup>28</sup> Li ani na-elk'ac inc'a' chic chi elk'ac. Chi c'anjelac ban sa' xyalal re nak cuãnk li c'a'ru tixsi reheb li mac'a' cuanqueb re. <sup>29</sup> Mex-ätinac yibru aj ätin. Riç'uin ban chäbil ätin tex-ätinak re nak te'xq'ue retal li ani yoquex cui' chi ätinac ut tetenk'aheb.  
<sup>30</sup> Mebanu chic li inc'a' us re nak inc'a' tarahok' xch'ol li Santil Musik'ej eban. Li Dios quixq'ue ere li Santil Musik'ej chok' əretalil nak rehex chic a'an toj sa' li cutan nak tixtz'akobresi le colbal.  
<sup>31</sup> Isihomak sa' le ch'ol chi junaj cua li c'ahinc, li josk'il, ut li po'oc ib. Jo'can ajcui' li chokinc ib ut li majecuãnc. Checanabak chi junaj cua chixjunil li mäusilal. <sup>32</sup> Chabilakex cheribil ərib. Cheruxtana eru chi ribil ərib. Ut checuyak emäc chi ribil ərib jo' nak li Dios quixcuy emäc sa' xc'aba' li Cristo.

## 5

*Tento te'cuank sa' xyalal li ralal xc'ajol li Dios*

<sup>1</sup> Læx chic li ralal xc'ajol li Dios ut raroquex xban. Jo'can nak chetzolak ərib riç'uin li Dios re nak tebanu jo' naraj a'an. <sup>2</sup> Cherahak ərib chi

ribil ərib jo' nak coxra lao li Cristo ut quixmayeja rib chiru li cruz re kacolbal. Ut li Dios quisaho' xch'ol riq'uin xban nak chanchan li sununquil ban chiru. <sup>3</sup> Læx chic li ralal xc'ajol li Dios. Jo'can nak inc'a' chic chi cuãk li co'bëtac yumbëtac sa' eyank chi moco tex-atinak chirix. Inc'a' tacuãk li mausilal sa' eyank. Ut inc'a' terahi ru li jalan aj e. Moco xc'ulub ta chic laj pabanel xbanunquil a'an. <sup>4</sup> Inc'a' tayemank sa' eyank li yibru aj atin chi moco li tontil atin chi moco cheye li mayehec' naraj xban nak inc'a' us. Chexbantioxink ban chiru li Dios. <sup>5</sup> Tenau chi tz'akal nak li neque'xbanu mausilal inc'a' te'tz'akonk sa' lix nimajcual xcuanquilal li Cristo ut li Dios. Chi moco eb laj co'bet ut eb laj yumbet chi moco li neque'xrahi li jalan aj e xban nak li mac a'an juntak'et riq'uin xlok'oninquil li jalanil dios. <sup>6</sup> Meq'ue ərib chi balak'ic xbaneb li neque'atinac ut neque'xye nak moco nimla mac ta xbanunquil li c'a'ak re ru a'in, xban nak nachal xjosk'il li Dios sa' xbeneb li neque'k'etoc re li ratin. <sup>7</sup> Mejunaji ərib riq'uineb a'an xban nak inc'a' useb xna'leb. <sup>8</sup> Junxil quexcuan chak sa' xk'ojoyinal ru li mac. Abanan, anakcuan rehex chic li Kacua' ut cuanquex chic sa' xcutan saken. Jo'can nak chexcuãk sa' xyalal. <sup>9</sup> Li ani quicutanobresic lix ch'ol xban li Dios naxnau lix yalal ut nacuan sa' chabilal ut sa' tiquilal. <sup>10</sup> Chetauhak xyalal li c'a'ru naraj li Kacua'. <sup>11</sup> Mejunaji chic ərib riq'uineb li inc'a' neque'xnau xyalal ut neque'xbanu li c'a'ak re ru mac'a' na-oc cui'. Læx ban chic texch'olobank re li xyalal chiruheb nak inc'a' us yoqueb. <sup>12</sup> Xutanal chok' ke lao atinac chirix li inc'a' us li neque'xbanu chi mukmu.

<sup>13</sup> Nak tach'olobák li xyáalal chiruheb na-el chi cutanquïl nak inc'a' us li yoqueb ut neque'xq'ue ajcui' retal eb a'an nak inc'a' us li neque'xbanu. <sup>14</sup> Nak tacutanobresík lix ch'oleb cutan saken chic chanru nak cuanqueb. Jo'ca'in tz'ibánbil sa' li Santil Hu: Ajsi acuu, laat li yocat chi cuarc. Mat-cana chi camenak sa' lą mac, ut li Cristo tixcutanobresi lą c'a'ux. (Is. 60:1) <sup>15</sup> Cheq'uehak retal chanru le yu'am. Mębanu jo' neque'xbanu li inc'a' useb xna'leb. Chebanuhak ban jo' neque'xbanu li cuanqueb xna'leb. <sup>16</sup> Menumsi li cutan chi mac'a' xyáalal. Chebanu ban li us nak tarük təbanu xban nak ch'a'aj li cuanc sa' eb li cutan a'in. <sup>17</sup> Jo'can nak moco jo'cake ta li mac'a'eb xna'leb. Chetauhak ban ru li c'a'ru naraj li Kacua'. <sup>18</sup> Mexcala chic xban nak napo'oc ch'olej. Chinujak ban le ch'ol riq'uin li Santil Musik'ej. <sup>19</sup> Cheserak'i chi ribil erib lix lok'al li Dios, ut teye li salmos ut texbichank re xlok'oninquil li Kacua'. Chexbichank ut chelok'oni li Kacua' chi anchal ech'ol. <sup>20</sup> Ut junelic chexbantioxink chiru li Acuabej Dios sa' xc'aba' li Kacua' Jesucristo riq'uin chixjunil li c'a'ru nequec'ul.

### *Chepabak erib chi ribil erib*

<sup>21</sup> Chepabak erib chi ribil erib re xq'uebal xlok'al li Cristo. <sup>22</sup> Ex ixakilbej, chepabak le belom jo' nak nequepab li Kacua' Jesucristo. <sup>23</sup> Chexpabank chiru xban nak a'an li najolomin re li rixakil jo' nak li Cristo najolomin reheb laj pabanel. Abanan li Cristo, a'an ajcui' laj Colol reheb laj pabanel ut eb laj pabanel jo' li rok ruk' li Cristo. <sup>24</sup> Jo' nak neque'paban laj pabanel chiru

li Cristo, jo'can ajcui' nak li ixakilbej te'pabank chiruheb lix b̄elom riq'uin chixjunil. <sup>25</sup> Jo'can ajcui' l̄ex b̄elomej, cherahak le rixakil jo' nak li Cristo quixraheb laj p̄abanel nak quixk'axtesi rib chi c̄amc re xcolbaleb. <sup>26</sup> Li Jesucristo quixmayeja rib re xsantobresinquej laj p̄abanel riq'uin nak te'xc'ul li cubi ha' sa' xc'aba' li Cristo ut riq'uin li r̄atin li Dios. <sup>27</sup> Li Cristo quixbañu a'an re nak tixc'uleb li ralal xc'ajol chi k'axal nim xlok'al, chi m̄ac'a' xm̄ac ut chi m̄ac'a' xpaltil chiru. <sup>28</sup> Jo'can ajcui' eb li b̄elomej, tento nak te'xra li rixakil jo' nak neque'xra ribeb a'an. Li ani naxra li rixakil, naxra ajcui' rib a'an. <sup>29</sup> Ma ani xic' naril rib. Naxra ban rib ut naxch'olani rib jo' nak li Cristo naxra ut naxch'olani li ralal xc'ajol. <sup>30</sup> Nocoxra ut nocoril xban nak l̄ao jo' rok ruk' li Cristo. L̄ao jo' lix quiq'uel ut jo' lix bakel. <sup>31</sup> Li b̄elomej ut li ixakilbej junaj chic ruheb jo' tz'ibañbil sa' li Santil Hu li naxye chi jo'ca'in: Nak tasumlak, li cuink tixcanab lix na' eyucua' re nak tixlak'ab rib riq'uin li rixakil. Ut junajak chic ruheb chi xca'bichaleb. <sup>32</sup> K'axal lok' li xyalal li na'leb a'in. Abanan l̄ain ninye ere nak naxc'ut ajcui' chiku nak l̄ao aj p̄abanel junajo chic riq'uin li Cristo. <sup>33</sup> Jo'can nak tinye cui'chic ere nak li b̄elomej chixrahak li rixakil jo' nak naxra rib a'an. Ut li ixakilbej chix-oxlok'i lix b̄elom.

## 6

<sup>1</sup> Jo'can ajcui' l̄ex, alalbej. Chex-abink chiru le na' eyucua' sa' xc'aba' li Kacua' xban nak a'an k'axal us xbanunquil. <sup>2</sup> Che-oxlok'i le na' eyucua'. A'an a'in lix b̄en kataklanquil cuan c'a'ru yechi'nbil ke cui takabānu a'an. <sup>3</sup> Ut li yechi'nbil

ke, a'an a'in: Cui neque-oxlok'i le na' eyucua', k'axal us tex-elk ut tanajtok' ru le yu'am li tixq'ue li Dios arin sa' ruchich'och'. <sup>4</sup> Ex na'bej ex yucua'bej, mechik' xjosk'ileb le ralal ec'ajol chi mac'a' rajbal. Cheq'uiresihakeb ban sa' xyalal riq'uin xk'usbaleb ut riq'uin xtibaleb sa' xc'aba' li Kacua' Jesucristo. <sup>5</sup> Ex aj c'anjal, chex-abink chiruheb le patron arin sa' ruchich'och'. Chexc'anjelak chiruheb chi anchal ech'ol ut sa' xyalal jo' nak nequexc'anjelac chiru li Cristo. <sup>6</sup> Moco toj yokeb ta cherilbal nak tebanu le c'anjal re nak sahak xch'ol le patron eriq'uin. Chexc'anjelak ban chiru le patron jo' nak yokex chi c'anjelac chiru li Cristo. Chi anchal ech'ol chebanuhak li naraj li Dios. <sup>7</sup> Chexc'anjelak chi anchal ech'ol jo' nak yoquex chi c'anjelac chiru li Kacua' ut macua' chiruheb li cuink. <sup>8</sup> Laex nequenau nak cui chabil tebanu chejunjunkal a'an ajcui' li rekaj tec'ul riq'uin li Kacua' usta cuan epatron usta mac'a'. <sup>9</sup> Jo'can ajcui' laex patron, jo' nak laj c'anjal nac'anjelac chi anchal xch'ol cheru, jo'can ajcui' nak laex tetaklaheb sa' xyalal. Canabomak xtaklanquileb sa' josk'il. Nequenau nak laex cuan epatron sa' choxa jo' ajcui' eb a'an. Li patron, a'an li Kacua' Dios ut a'an moco jun ta sa taril ut jun ta xic' taril.

### *Li kac'anjelebal q'uebil ke xban li Dios*

<sup>10</sup> Toj cuan c'a'ru nacuaj xyebal ere ut a'an a'in: Che'cacubresik le ch'ol sa' le pabal riq'uin lix nimal xcuquilal li Kacua' li cuan eriq'uin. <sup>11</sup> Jo'can ut chetikibak erib riq'uin chixjunil lix c'anjelebal li Dios re nak xakxokex chi tz'akal ut yokex chixcolbal erib chiru laj tza nak yok chebalak'inqui.

**12** Moco yoco ta chixyalbal kak'e riq'uin cu<sub>ink</sub>. Yoco ban chi pletic riq'uin q'uila pay ru chi māus aj musik'ej li cuanqueb xcuanyl sa'eb li cutan a'in, li neque'taklan sa' ik' ut sa' li ruchich'och' li cuan sa' xk'ojojinal ru li māc. **13** Xban nak nocopletic riq'uin li māus aj musik'ej, jo'can nak cu<sub>ank</sub> eriq'uin chixjunil le c'anjelebal li q'uebil ere xban li Dios re nak cauhak ərib chixcolbal ərib chiru laj tza yalak jok'e tixyal əralenquil. **14** Xakxokex bi' chi cau. A'an a'in li tac'anjelak cheru re xcolbal ərib chiru laj tza. Li yal tac'anjelak jo' xc'amat esa' ut li tiquil ch'olej tac'anjelak jo' li ch'ich' naramoc re le ch'ol. **15** Cauresinbilakex re xyebal resil li colba-ib ut a'an tac'anjelak ere jo' exab cherok. **16** Chirix chixjunil a'in chicu<sub>ank</sub> ajcui' le pabal. Ut a'an tac'anjelak ere jo' le ramleb ch'ich'. Le pabal tac'anjelak re xcolbal ərib chiru laj tza nak tixyal əralenquil. Riq'uin a'in taruk techup xxamlel lix tzimaj laj tza. **17** Li colba-ib tac'anjelak ere jo' nak nac'anjelac re li soldado lix tz'apbal xjolom. Li Santil Musik'ej tixc'ut cheru li ratin li Dios. A'an tac'anjelak cheru jo' nak nac'anjelac li ch'ich' chiru li soldado. **18** Ut yo'on cu<sub>ank</sub>ex. Junelic chextijok jo' naxc'ut cheru li Santil Musik'ej. Junelic chextz'amank chiru chi anchal ech'ol nak li Dios tatenk'ank ere. Ut chetz'ama chiru nak tixtenk'aheb chixjunileb li ralal xc'ajol li Dios. **19** Ut chextijok ajcui' chicuix lain re nak chixq'ue taxak cu<sub>atin</sub> li Dios re xyebal resil li colba-ib ut chixq'ue taxak xcacuial inch'ol chixyebal resil nak li colba-ib reheb ajcui' li mācua'eb aj judío. **20** Taklanbilin xban li Dios chixyebal li resilal a'an. Ut xban xyebal resil li colba-ib nak

cuanquin chi prexil anakcuan. Chextijok chicuix re nak tinch'olob xyālal li colba-ib chi cau inch'ol jo' q'uebil cue xbānunquil xban li Dios.

*Laj Pablo naxq'ue xsahil xch'oleb*

<sup>21</sup> Ninc'oxla nak tēraj tēnau chanru cuanquin ut c'a'ru yoquin chixbānunquil. Jo'can nak yoquin chixtaklanquil laj Tíquico eriq'uin. A'an jun li herman k'axal raro kaban, ut chābil aj c'anjal chiru li Dios. A'an tixye ere chanru cuanquin. <sup>22</sup> Yoquin chixtaklanquil laj Tíquico eriq'uin re xserak'inquil ere chanru cuanco arin. Ut nak tēnau chanru cuanco, chic'ojlak taxak ech'ol riq'uin a'an. <sup>23</sup> A' taxak li tuktuquil usilal li naxq'ue li Acuabej Dios ut li naxq'ue li Kācua' Jesucristo chi cuānk eriq'uin läex chejunilex aj pabanel. Ut chi cuānk taxak eriq'uin li rahoc ib ut lix cacuilal ech'ol sa' le pabal. <sup>24</sup> Chi cuānk taxak li rusilal li Dios eriq'uin chejunilex läex li nequexrahoc re li Kācua' Jesucristo chi anchal ech'ol ut chi junelic. Jo'can taxak.

**Li Santil hu  
Bible in Q'eqchi' (GT:kek:Q'eqchi')**

copyright © 2000 Wycliffe Bible Translators, Inc.

Language: Q'eqchi'

Translation by: Wycliffe Bible Translators, Inc.

Q'eqchi' [kek], Guatemala

**Copyright Information**

© 2000, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Q'eqchi'

**© 2000, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
f1b065df-5ef5-5c8a-a273-af2b9aefff55